

本州乘雅半偈

錢唐後學盧之頤子繇父覈叅

本經中品

丹雄雞。氣味甘。微溫。無毒。主女子崩中。漏下。赤白沃。補虛。溫中。止血。頭主殺鬼。東門上者良。

覈曰。五方所產。種類甚多。大小形色。各各殊異。日中有雞。西方物也。大明生東。故雞入之。卵生。思抱。伏而未孚。謂之曰涅。故曰雞伏無。

雄亦卵。以卵告竈。伏亦出之。俗曰竈雞破卵
而出。毛羽遂具。無外腎。虧小腸。好睨視。跑而
食之。每有所擇。故曰雞廉。呼曰朱朱。相傳雞
本朱氏翁。化爲之者。按漢祝雞翁。居尸鄉山
下。養雞百餘載。皆有名字。呼名則種別而至。
則朱乃祝之轉也。其栖也知陰晴。其鳴也知
時刻。鳴必三度。又能自守。不爲風雨止。詩云。
風雨淒淒。雞鳴喈喈。風雨蕭蕭。雞鳴膠膠。風

兩如晦。雞鳴不已。喈喈鳴而不失其和。膠膠鳴而不失其固也。雞老歲晏。至曉方鳴。持寒也。或乙丙夜。輒獨鳴。行且有赦。謂之盜啼。無故羣鳴。謂之荒雞。牝雞雄鳴。雄雞乳卵。老雞人言。謂之不祥。古稱雞之德五。戴冠文也。傅距武也。敢鬪勇也。得食相告仁也。守夜不失時信也。有此五德。猶日淪而食之。何也。以其所從來近也。埤雅云。蜀魯荆越諸雞。越雞小。

蜀雞大。魯雞尤其大者。莊子云。一越雞不能
伏鵠卵。魯雞固能矣。成玄英云。越雞。荆雞也。
魯雞。今之蜀雞也。按韓子云。魯雞之不期。蜀
雞之不支。則玄英所謂魯雞。今之蜀雞者。非
是矣。爾雅翼云。荆與越爲小。蜀與魯爲大。荆
越相近。蜀非巴蜀。魯成公會于蜀者。亦魯地
云爾。時珍云。蜀中鷓雞。楚中鶩雞。並高三四
尺。江南矮雞。脚僅二寸許。南越長鳴雞。晝夜

啼叫。南海石雞。潮至則鳴。遼陽食雞。角雞。味俱肥美。大勝諸雞。朝鮮長尾雞。尾長四尺。丹赤者入藥最良。近道唯太和者稱第一。具五色者。玄身白首者。六指者。四距者。死不足申者。並不可食。闔而能鳴者有毒。四月食抱雞肉。令男女虛乏。作癰成漏。合葫蒜。并李食。合犬肝。犬腎食。並令人洩痢。合兔食。成滯下。合獺食。成遁厥。合生葱食。成蟲痔。合糯米食。成

虺厥其羽焚之。可以致風。蓄蠱之家。雞輒飛走。亦靈禽也。不獨充庖而已。

叅曰。東方肝木。其音角也。其竅目也。其畜雞也。其主巽也。故雞鳴日出於寅。雞伏日入於酉。通晝夜之闔闢。木乘金爲用也。蓋營行脉中。衛行脉外。晝出於陽。夜入於陰。人臥則血歸於肝。而中藏實。其有失于歸者。則爲崩。爲漏。爲赤白沃。頭爲陽首。大明東生。鬼魅不祥。

莫之敢膺。

乘雅

丹雉雞

月樞閣

本經中品

羖羊角。氣味鹹溫。無毒。主青盲。明目。殺疥蟲。止寒洩。辟惡鬼。走虎狼。止驚悸。久服安心。益氣。輕身。

覈曰。羖本夏羊。生河西。色青黑。頭小身大。毛長而柔。可以爲羝。一名綿羊。其角爲用最大。詩云。絲醉之言。俾在童羖。蓋羖之美在角也。羖爲角音。又爲古音。詩以古與語。叶韻是矣。

而音通於牯。故本艸殺羊條。注稱爲羊之牯。猶兕音通於牦。稱爲犀之牦也。殺羴也。羴色黑。爲黑羴。爲黑羴。羴色白。爲白羴。爲白羴。各。有牝牡。但當以色爲別。蓋羊之有羴羴。亦猶木之有枌榆也。枌亦白。榆不能白。色白有辨之義。故皆從分。色黑有不辨之義。故皆從兪。又今榆者。北方有之。故古稱榆塞。而江南有刺榆。無大榆。是南方于羊也。則有羴而無羴。

于木也。則無榆而有粉。色相類。義相同也。羝
抵也。羝性好觶。故从羝。省字从抵。省音从低
者。以羝先低其角。然後能觶突。故也。羊。總名。
羔。羊子。四月而乳。一歲三生。母既生子。子復
生孫。孫又生子。易繁速計。莫捷于羊。其別有
四。曰羴者。五月生羔也。曰羸者。六月生羔也。
曰羸者。七月生羔也。曰羸者。羊未卒歲也。釋
畜。但載未成羊者爲羴。郭氏云。俗呼五月羔

爲犂。蓋謂羔已生及五月者爾。而說文稱五月生羔。則似謂仲夏所生者矣。按齊民要術。稱正月生羔爲上種。十一月十二月生者。次之。母視含里。膚軀充滿。艸雖枯。亦不羸瘦。母乳適盡。卽得春艸。是以極佳。八月九月十月生者。雖值秋肥。然比至冬暮。母乳已竭。春艸未生。是故不佳。三月四月生者。艸雖茂美。而羔小未食。嘗飲熱乳。所以亦惡。五月六月七月

月生者。兩熱相仍。惡中之甚。然則五月生者。乃是不美。故古稱肥羜。以速諸父。當是生及五月者。爾。繁露云。凡贄。卿用羔。羔有角而不用。類仁者。執之不鳴。殺之不嗥。類死義者。飲乳必跪其母。類知禮者。故以爲贄。禮云。飾羔雁者。以饋以言。其德足以衣被。而又有文章也。字說云。羔从羊。从火。羊。火畜也。羔。火在下。若火始然。可進而大也。故羔大曰羊。三歲曰

牂。牂。小狼也。牂以乘而不隨爲臧。牘以乘而不逆爲剛。蓋牛之性順。牘雖牡而猶有順性。故爲乘而不逆也。羊之性狠。牂雖牝而猶有狠性。故爲乘而不隨也。羊前逆。牛前順。故羊宜驅。而牛宜牽。羊善羣。每成羣。必以一羣爲主。舉羣聽之。謂之壓羣。羊善鬪。鬪羊表云。臣聞勇士冠雞。武夫戴鶡。推羣舉類。獲此鬪羊。遠主越雋。蓄情剛決。敵不避強。戰不顧死。雖

爲微物。志不可剗。効奇靈囿。角力天場。却鼓
怒以作氣。前躑躅以奮擊。跌若奔雲之交觸。
碎如轉石之相叩。裂骨賭勝。濺血爭雄。敢毅
見而衝冠。驚狼聞而擊節。冀將少助明主。市
駿骨。揖怒蛙之意也。若使羊能言。必將曰。苦
鬪不解。立有死者。所賴至仁無殘。量力取勸
焉。羊畏露。牧之者宜晚出而早歸也。羊惡濕
喜燥。食鉤吻而肥。食仙茅而肪。食仙靈脾而

淫。食羊躑躅而死。羊宜黍。黍火穀。羊火畜。故
羊宜黍也。其目無神。其腸九縈。其力在尾。其
角下踧。角之不齊者曰羸角。音軌有三鬻者曰羴。音卷
絕有健力者曰奮。種類甚多。入藥只以青色
羴羊爲勝。次則烏羊。其親羴羊。及虜中無角
羊。止可啖食乳髓。則肥好也。羴羊亦有褐色。
黑色。白色者。毛長尺餘。亦謂之羴羴羊。北人

驅引大羊。則以此羊爲首。名曰羊頭。河東亦